

Oamehasa muitin

Rohkosbottu minstara sáhtta heivehit omd. oamehasa rávvejaččain, jápmima jahkebeaivve dahje sohkačoahkkanemiin, main muittašuvvojit soga jápmán olbmot.

Rohkosbottu jođiha báhppa, searvegotti eará bargi dahje searvegotti miellahttu.

Vilges liinniin gokčojuvvon beavddi ala sáhtta bidjat Biibbala, ruossa dahje krusifivssa ja oamehasa gova sihke cahkkehit gintala.

1. Álggahansálbma

Sáhtta geavahuvvot ovdamearkka dihte sálbma 248, 249 dahje 433. Sálmma sajis sáhtta leat lávlla dahje eará musihkka.

2. Álggahus

Álgosivdnideapme

Buessivdnádusa lea vejolaš lohkat dahje lávlut (nuohtat, gč. s. 481).

B/O Áhči ja + Bártni ja Bassi Vuoiŋŋa nammi.

S Ámen.

B/O Min veahkki lea Hearrá,

S almmi ja eatnama sivdnideaddji.

DAHJE

B/O Hearrá lehkos dinguin.

S Nu son lehkos maddái du vuoiŋŋain.

Álggahansánit

Álggahansániid lea maddái vejolaš ráhkadit ieš.

B/O Ráhkis ustibat. Mii ávvudit dál NN rávvejaččaid / muittašit dál soga ovdalis jápmán olbmuid. Mii háliidit máhcahit millii, maid son/soai/sii midjiide mearkkašii/mearkkašeigga/mearkkašedje. Mii háliidit giitit oktasaš vásáhusain, mat bissot callin min mielas. Mii oažžut juohkit odne maddái morraša ja áibbašumi dovdduid. Jápmima lagašvuohta

guoskkaha min juohkeovtta. Ipmil, eallima ja jápmima Hearrá, lea lohpidan orrut minguin. Son láide min sániinis agálaš eallima bálgá ala.

DAHJE

B/O Ráhkis ustibat. Bajásčuožžilan Kristus cealká: "Ale bala! Mun lean vuosttamuš ja mañimuš, dat guhte eallá." Mii buohkat goallostuvvot sohkabuolvvaid ráidui ja jávkat eret dáppe, juohkehaš vuorustis. Kristus lea leamaš ovdal min, ja son eallá agálaččat. Oskkus sutnje mii gávdnat nohkameahtun eallima. Mii oažžut bivdit su láidema juohke beaivái.

3. Biibbalsálbma

Sáhtá atnit maddái girkojagi čuovvu dahje eará biibbalsálmmaid.

Sálmmaid sajis lea vejolaš lávlut sálmma.

Biibbalsálbma sáhtá lávlut dahje lohkat. Biibbalsálbmii laktojuvvo Uhca gudni. Dan sajis sáhtá atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Dat guđdojuvvo eret fástoáigge 5. fástoáiggi sotnabeaivvi rájes.

Hearrá lea mu báimman,

ii mus váillo mihkkege.

Ruonas gittiide son livvuda mu,

vuoiñadusa čázi lusa son láide mu.

Son áhpásmahtá mu sielu.

Son doalvu mu vanhurskkisvuoda bálgáid mielde namas dihtii.

Vaikko mun vádjolivččen jápminsuoivana leagis,

de in balaše mange bahás.

Dasgo don leat mu mielde.

Du soabbi ja báimmansoabbi jeddejit mu.

Aivvefal buorrevohta ja árbmugasvohta doarridit mu

buot mu eallinbeivviid,

ja mun beasan ássat Hearrá viesus guhkes áiggiid čada.

Sál 23: 1–4, 6

DAHJE

Aivvefal Ipmila luhtte gávdná mu siellu ráfi,
sus bohtá mu bestojupmi.

Aivvefal son lea mu bákti ja mu bestojupmi,
mu ladni, in mun suoibbo.

Leage jaskat, sillon, Ipmila ovddas.

Aivvefal sus bohtá mu doaivu.

Aivvefal son lea mu bákti ja mu bestojupmi,
mu ladni, in mun suoibbo.

Mu bestojupmi ja mu gudni lea Ipmila luhtte.

Son lea mu nana bákti, son lea mu dorvu.

Sál 62: 2–3, 6–8

DAHJE

Oahpat min lohkat beivviideamet,
de mii oažžut viissisvuoda váibmui.

Jorggit, Hearrá! Man guhká?

Árpmi bálvaleddjiidat!

Gallet min árbmugasvuodainat go idit bohtá,
vai mii beassat ávvudit ja illudit buot beivviideamet.

Illudahte min seammá guhká go leat váivvidan min,
nu máŋga jagi go mii leat gillán.

Sál 90: 12–15

DAHJE

Olbmo beaivvit leat dego suoidni,
olmmoš lea dego gietti lieddi.

Go bieggá šuviha meattá, de dat jávká,
báiki gos dat lei ii šat dovdda dan.

Muhto Hearrá árbmugasvuolta lea agálašvuodas agálašvuhtii
sin oassi gudet ballet sus.

Su vanhurskkisvuolta ollá mánáid mánáide,
sidjiide gudet dollet su lihtu.

Sál 103: 15–18

[Uhca gudni]

Gudni Áhččái ja Bárdnái
ja Bassi Vuignii,
nugo lei álggus, dál lea ja álo
agálašvuodas agálašvuhtii. Ámen.

4. Biibbalohkan

Lohkkojuvvo okta dahje moadde čuovvovaš čálabihtáin. Sáhtá atnit maid girkojagi čuovvu dahje eará čálabihtáid.

Lohkki almmuha čálasaji.

Biibbalohkama maŋŋá sáhtá leat jaskes mediteren.

Rom 14: 7–9

Ii oktage mis eale iežas várás, iige oktage jáme iežas várás. Juos mii eallit, de eallit Hearrá várás, ja juos mii jápmit, de jápmit Hearrá várás. Juogo mii dal eležat dahje jámežat, de mii gullat Hearrái. Aiddo dan dihtii Kristus jámii ja eallái fas, vai son sáhtášii leat sihke jábmiid ja elliid Hearrá.

1 Kor 15: 53–57

Dat mii lea nohkavaš, ferte gárvvohuvvot nohkameahttunvuodain, ja dat mii lea jámolaš, ferte gárvvohuvvot jápmemeahttunvuodain. Ja go dat mii lea nohkavaš, lea gárvvohuvvon nohkameahttunvuodain, ja dat mii lea jámolaš, lea gárvvohuvvon jápmemeahttunvuodain, dalle ollašuvvá dat sátni mii lea čállojuvvon:

– Jápmin lea njielastuvvon ja vuitojuvvon.

Jápmin, gos lea du seahčagas?

Jápmin, gos lea du vuoitu?

Jápmima seahčagas lea suddu, ja suttu fápmu lea láhka. Muhto giittus lehkos Ipmilii, gii addá midjiide vuoittu Hearrámet Jesusa Kristusa bokte!

2 Kor 4: 16–18

Danne mii eat arvvaheva. Vaikko velá min olggaldas olmmoš billistuvvoge, de min siskkildas olmmoš odasmahttojuvvo almmatge beaivvis beaivái. Dat átestusat maid mii dál fertet guoddit, leat geahppasat, ja buktet midjiide agálaš hearvásvuoda valljugas riggodaga. Ii mis leat čalmmiid ovddas dat mii lea oinnolaš, muhto dat mii lea oaidnemeahtun. Dasgo dat mii lea oinnolaš, bistá muhtun áiggi, muhto dat mii lea oaidnemeahtun, bistá agálaččat.

Mark 13: 33–37

Jesus cealká:

"Váruhehket ja gohcet! Dasgo dii ehpet diede goas dat áigi bohtá. Dat lea dego olmmái gii manai olgoriikii. Go vuolgá ruovttustis, de addá dálloalolu bálvaleddjiidis háldui, juohkehaš oažžu sierra barggu, ja son gohčču uksafávttá gohcit. Gohcet de! Dasgo dii ehpet diede goas dáluisit bohtá, šaddágo eahkedis, gaskaija, vuoncávarrása biškunáiggi dahje idedis. Gohcet, amas son bohtit fáhkkestaga ja gávdnat din oaddimin. Dan maid mun cealkkán didjiide, dan cealkkán buohkaide: Gohcet!"

Joh 6: 37–40

Jesus cealká:

"Buohkat geaid Áhčči addá munnje, bohtet mu lusa, ja dat gii bohtá mu lusa, su in eisege áje eret. Dasgo mun in leat bohtán vuolás almmis dahkat dan maid ieš dáhtun, muhto su dáhtu, gii lea vuolggahan mu. Ja dát lea mu vuolggaheaddji dáhttu, ahte mun in masse ovttage sis geaid son lea addán munnje, muhto bajásčuoččálidahtán sin mañimuš beaivvi. Dasgo dát lea Áhččán dáhttu, ahte juohkehaš guhte oaidná Bártni ja osku sutnje, oažžu agálaš eallima, ja mun bajásčuoččálidahtán su mañimuš beaivvi."

Jesus cealká:

"Nugo Áhčči lea ráhkistan mu, nu lean munge ráhkistan din. Bissot mu ráhkisvuodas! Juos doallabehtet mu báhkomiid, de bissubehtet mu ráhkisvuodas, nugo munge lean doallan Áhččán báhkomiid ja bisun su ráhkisvuodas. Dán lean sárdnon didjiide, vai mu illu bisošii din siste, ja din illu šattašii ollisin. Dát lea mu báhkkon: Ráhkistehket guhtet guimmiideattet nugo mun lean ráhkistan din."

5. Vástáduš

Vástádussan sáhtá leat sálbma, lávlla dahje čuojanasmusihkka.

Mánja deavstta logadettiin biiballohkan sáhtá vurohallat vástádusain.

6. Sárdni

7. Sálbma

Sáhtá geavahuvvot ovdamearkka dihte sálbma 369 dahje 417.

8. Rohkosoassi

Vuorrorohkos

Vuorrorohkosa sáhtá lohkat dahje lávlut (nuohtta, s. 482)

B/O Leage rámiduvvon don, Hearrá, Ipmileamet!

S Du lea buot, mii lea almmis ja catnan alde.

B/O Hearrá namma lehkos máidnojuvvon dálážiis gitta agálaš áigái!

S Lehkos Hearrá namma máidnojuvvon.

Rohkos

Sáhtá atnit maidái iešráhkaduvvon rohkosa.

B/O Rohkadallot.

1. Ipmil, almmálaš Áhččámet. Don attát olbmui eallima ja válddát dan fas eret. Don čiegat eallimeamet oatnelanboddii jápmima čiegusvuhtii bajidan dihtii dan fas ain čuovgasii, buhtisin ja odasin. Geahča ja gula min, geat ahkiduššat jápmán oapmahaččaideamet. Jedde min morrašis ja veahket min váldit juohke beaivvi du giedas. Giitu, ahte du dáhttu midjiide lea buorre. Ipmil, du ovddas min miella jaskkoda jurddašit oapmahašrohkiid, iežamet eallima ja jápmima ja du šearratvuoda. Gula dál maiddái min jaskes rohkosa.

(jaskes boddu)

Ipmil, oro minguin, go min áigi nohká ja min váibmu ravkkiha mañimuš háve. Válde min dalle lusat ruoktot. Dutnje lehkos rámadus ja gudni dál ja agálaččat.

2. Ipmil, almmálaš Áhčči. Giitu, ahte don diedát ja dovddat min ja min morraša ja áibbašumi. Nanne min oskku dasa, ahte visot lea du giedas, du geahčus ja du árpmu suojis. Ipmil, du ovddas min miella jaskkoda jurddašit oapmahašrohkiid, iežamet eallima ja jápmima ja du šearratvuoda. Gula dál maiddái min jaskes rohkosa.

(jaskes boddu)

Giitu, ahte don leat diktán min oaidnalit dán máilmmis. Veahket min oaidnalit min ráhkkásiiguin maid agálašvuodas, du luhtte, árbmugas Ipmil. Divtte min moraštettiin ja áibbašettiin oaidnit suotnjariid agálaš čuovggas ráhkis Bártnát, Jesusa Kristusa, dihtii.

S Ámen.

Áhččámet

Herrá rohkos celkojuvvo ovttá jitnii.

S Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min sudduid ándagassii,
nugo miige ándagassii addit velggolaččaidasamet.
Alege doalvvo min geahččalussii,
muhto beastte min bahás eret.
Dasgo du lea riika ja fápmu ja gudni agálašvuhtii.
Ámen.

9. Buressivdnádus

B/O Buressivdnidehkos min buotveagalaš ja árbmugas Ipmil,
Áhčči ja (+) Bárdni ja Bassi Vuoignja.

S Ámen.

DAHJE

B/O Hecrrá buressivdnidivččii din ja várjalivččii din.

Hecrrá čuvgešii muođuidis didjiide
ja livččii didjiide árbmugas.

Hecrrá jorgalivččii muođuidis din beallái
ja attášii didjiide ráfi.

Áhči ja + Bárdni ja Bassi Vuoignja nammii.

S Ámen.

9. Loahpahanmusihkka

Loahpahanmusihkkan sáhtá atnit ovdamearkka dihte sálmma 424, 426
dahje 488. Sálmma sajis sáhtá leat čuojanasmusihkka.